

Cartas nordic



Un serie de photos de locationes in le paisés nordic
– e lor historia narrate in alcun lineas in interlingua como inspiration.



■ **Copenhagen, Danmark:** In le fin de april o initio de maio le celo deveni quasi rubie clar, quando on ambula sur le sentieros del Cemeterio de Bispebjerg in le nord-west de Copenhagen. Le rasion es un allée de ceresieros japonese que floresce a iste momento durante circa duo septimanas. Le spectaculo attrahe multitudes de visitatores. Le allée de circa 150 metros esseva plantate in 1992. Le cemeterio es situate sur un del punctos le plus alte in Copenhagen e es le plus juvene del cinque cemeterios del capital. Illo coperi 436.400 metros quadrate. On trova ci i.a. le tumba de Jens Olsen, le horologiero qui creava le Horologio Mundial in le casa municipal de Copenhagen. *Texto: Thomas Breinstrup/ photo: Mathilde Breinstrup*

Interlingua – communication sin frontieras
www.interlingua.dk | www.interlingua.com

© 2022

Questiones

1. Como se appella le typo de arbores que tu vide sur le photo?

2. Proque es iste arbores qualcosa extraordinari?

3. Pote on vider le belle flores sur le arbores durante tote le primavera?

4. Esque le ceresieros japonese se trova in un parco?

5. Qui es Jens Olsen?
